



Na osnovu člana 24. stav (3) Zakona o državnoj službi u Federaciji Bosne i Hercegovine («Službene novine Federacije BiH», br. 29/03, 23/04, 39/04, 54/04, 67/05, 8/06 i 4/12) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj 13/19), a na zahtjev Federalnog zavoda za statistiku, Agencija za državnu službu Federacije BiH, objavljuje

**JAVNI KONKURS  
za popunu radnih mjesta državnih službenika  
u Federalnom zavodu za statistiku**

**Radna mjesta:**

- 01. Stručni saradnik za registre stanovništva, domaćinstava, zgrada i stanova** – 1(jedan) izvršilac  
**02. Stručni saradnik za statistiku zaposlenosti i nezaposlenosti** – 1(jedan) izvršilac

**01. Opis poslova:** prati propise koji se koriste kao izvori informacija za potrebe registra stanovništva, domaćinstava, zgrada i stanova; učestvuje u izradi imenika naseljenih mjesta i šifarnika za prostorna obilježja za potrebe provođenja statističkih istraživanja i daje sugestije i prijedloge; učestvuje u analizi dobijenih rezultata na osnovu provedenih statističkih istraživanja sa stanovništa kvaliteta; učestvuje u izradi statističkih analiza, informacija i drugih stručnih materijala za registar stanovništva, domaćinstava, zgrada i stanova; izučava metodologije, definicije, standarde, metode za prikupljanje podataka, za potrebe registra stanovništva, domaćinstava, zgrada i stanova; učestvuje u postavljanju zahtjeva prilikom izrade i izmjena aplikativnih projekata za obradu podataka; vrši druge poslove koje mu odredi neposredni rukovodilac;

**Pripadajuća osnovna neto plaća: 1.165,50 KM.**

**02. Opis poslova:** učestvuje u provođenju Programom I Planom rada predviđenih istraživanja iz oblasti statistike zaposlenosti i nezaposlenosti; učestvuje u izradi metodoloških i organizacionih uputstava; učestvuje u analizi dobijenih rezultata na osnovu provedenih statističkih istraživanja sa stanovništa kvaliteta; učestvuje u izradi statističkih analiza, informacija i drugih stručnih materijala iz oblasti statistiku poljoprivrede i okoliša; izučava metodologije, definicije, standarde, metode za prikupljanje podataka, iz oblasti koje prati; učestvuje u postavljanju zahtjeva prilikom izrade i izmjena aplikativnih projekata za obradu podataka; vrši druge poslove koje mu odredi neposredni rukovodilac;

**Pripadajuća osnovna neto plaća: 1.165,50 KM.**

**Kandidati moraju ispunjavati opće uvjete iz člana 25. Zakona o državnoj službi u Federacije Bosne i Hercegovine:**

- da je državljanin Bosne i Hercegovine;
- da je stariji od 18 godina;
- da ima univerzitetsku diplomu ili druge obrazovne ili akademske kvalifikacije najmanje VII stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji i Bosne i Hercegovine;
- da je zdravstveno sposoban/a za vršenje određenih poslova predviđenih za to radno mjesto;
- da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;

-da nije obuhvaćeno odredbom člana IX.1. Ustava Bosne i Hercegovine.

**Pored općih uvjeta navedenih u javnom konkursu kandidati moraju ispunjavati i sljedeće posebne uvjete i to:**

**Za poziciju 01:**

- VSS – VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, Prirodno – matematički; Ekonomski ili diploma visokog obrazovanja pravne ili upravne struke
- 1(jedna) godina radnog staža
- poznavanje engleskog jezika (u skladu sa odredbama Pravilnika o dokumentaciji kojom se dokazuje poznavanje ili znanje ili aktivno znanje stranog jezika u postupcima provođenja konkursa u organima državne službe u FBiH ( "Sl. novine FBiH", br. 51/16 i 59/16)

**Za poziciju 02:**

- VSS – VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, Ekonomski ili drugi fakultet društvenog ili tehničkog smjera,
- 1(jedna) godina radnog staža
- poznavanje engleskog jezika (u skladu sa odredbama Pravilnika o dokumentaciji kojom se dokazuje poznavanje ili znanje ili aktivno znanje stranog jezika u postupcima provođenja konkursa u organima državne službe u FBiH ( "Sl. novine FBiH", br. 51/16 i 59/16)

**Prijavljivanje-potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije [www.adsfbih.gov.ba](http://www.adsfbih.gov.ba))  
Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.
3. Kandidati za radno mjesto stručnog saradnika, a koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):
  - a) fakultetsku diplomu (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992. godine),
  - b) dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
  - c) dokaz o položenom stručnom ispitu za namještenike u organima državne službe.

**NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa.

Ovjerena fcc diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbijene kao neuredne.,

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH” neovisno od toga kada su dokazi dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH:  
Odjeljenje Agencije za Kanton Sarajevo i Bosansko-podrinjski Kanton Goražde  
u Sarajevu  
Ul.Kulovića br.7., 71000 Sarajevo**

**sa naznakom:**

**“Javni konkurs za popunu radnih mjesta državnih službenika u Federalnom zavodu za statistiku  
broj: 10-30-8-909/20“**

**DIREKTOR**

**Refik Begić, magistar uprave**

